

皇清文穎續編

皇清文穎續編卷四十一

賦

駕幸五臺山賦

謹序

毛式玉

臣

聞福莫隆於壽康禮莫隆於尊養德莫隆於  
孝治之大篤荷神庥善氣所迎懽心普洽百靈  
歆其馨香萬彙滋其膏沃天人協應弗祿無疆  
於是景命凝頌聲作焉欽惟我

皇上祇事

璇宮以天下養問

安視膳具有常典嘉辰令節又復侍曲宴陳樂方愉  
愉雍雍稱觴介

壽所以娛

聖慈者甚備歲辛未恭逢

皇太后六十萬壽肇舉懋典

湛恩龐鴻桐生之屬莫不茂豫

詔自今後十年一舉著爲令前歲己卯西陲大定拓

地二萬餘里白狼三歌相答乎遐裔靈夔十曲  
震疊乎荒憬庚辰師旋飲至策勲立石紀績用  
昭示於萬禩景貺畢臻天庥滋至辛巳春王正  
月元日太史奏合璧連珠之瑞於赫樂哉亘古  
一時也而

皇太后七十萬壽正屆茲年蓋明天察地德備福臻  
太和翔洽而極盛之會應之所以四瀛之內方  
趾圓顙莫不式歌且舞相率而頌無疆之慶也

皇上用合萬國之歡祝億齡之

壽旣以修舉百禮以歲十一月舉慶典復以仲春上

旬

神軒展謁之後祇奉

聖母巡幸五臺夫多福自求元命自作亦旣克迓天  
祐繁膺茂祉純嘏弗祿佑命重申顯然其有徵  
甚盛則也

皇上猶復敬禮名山益祈永命蓋孝養之忱有加靡

已祝釐之典無所不至所謂不匱之思也而

屬車所宅行慶施惠霑沃芸生

愷澤覃被恩膏滋渥又所謂錫類之仁也福盛禮隆

大孝備矣

臣遭遇

聖朝曾預侍從當此敷天同慶之時宵翹蠕動涵濡  
化澤康衢之童擊壤之叟莫不效風謠於

帝世况

臣涵泳

聖涯沐浴

皇朝文獻通考卷一百一十五  
二  
膏澤際太平之昌辰睹懿鑠之鉅典歌頌舞蹈良難

自已謹撰

聖駕幸五臺山賦一篇抒懼忭之忱宜

聖天子之孝治拜手稽首迎

鑾以獻其詞曰

伊名山之裕舒摩圓靈而咫尺旁枕帶夫參墟北俯  
瞰乎雁磧矗五峯於氣表宛神劖而天勸爲雲雨之  
所出實仙聖之攸宅驗貝葉之秘篇曰文殊之遺跡

昭靈響而彷彿蔚神光其如覲列紺宇於層巔蓋禮  
崇乎在昔邈乎遐哉莫窮其盼蠻之烜赫也維我  
聖祖繼天有作時邁其邦懷柔河岳紆七萃於丹雘  
御六飛於翠粵陟瑤璫之寶地擷天花之瑞萼溥風  
雨之和甘飫醴酬於極樂

奎藻洒乎穹嵌霽雲爛而照灼詢謠俗於恒代緬  
隆軌其如昨我

皇上握乾符闡坤珍輯五瑞秩百神採風唐晉問俗



并汾禮瞿曇之金界駐羲和之丹輪澄遐思而究八  
觀迓嘉祥以與萬人敷

恩光而輝慧日垂

慈蔭而接法雲夷輿如夏勾萌如春百昌蕃秀萬卉  
發陳蓋至今太行以西猶扶鳩而望

翠鳳之時巡也爾乃歲叶重光陽生緹室起天正於  
三微屆

慈宮之七袞

皇上尊養之隆殷乎愛日祝嘏之典靡所不悉百禮具治羣靈咸秩綿

長樂之春暉薦祇園之芬飴召太史以練辰卜仲春其襲吉先展謁乎

珠邱遂西紆乎

清蹕爾其條風啟蟄旭日載陽律吹夾鍾晨正農祥奉

紫闕而肅駕樹

華蓋而啟行揭金支以歲蕤鳴玉軼而鏗鏘蒼靈弭  
節以奉塗朱曦夾轂以翱翔屏翳先趨以清塵赤松  
汎洒乎通莊渡桑乾之澗旧指易水之森茫熊羆所  
守鬱鬱蒼蒼龍虎之氣喬喬皇皇森

栢城以周阿屹

山殿以中央列宿之所拱衛萬年煜其靈光載濯鬱  
尊具薦大房結春露之遐思通一氣而升香

神保是歆降福穰穰蓋吉蠲孝饗之義本具乎天保

之章也大禮旣成爰遵西道煒

主皇之絳節驂

金母之青鳥前指三辰以率璣後引鳳皇以天矯紫  
塞勢絡乎雲嫺赤縣疆包乎燕趙析木分津於箕尾  
大梁界躔於畢昴望蒲杏於中田方春耕之及早采  
歌謠於婦孺問風俗於父老瞻

時龍之御天盈廣塗而頌禱俄層臺之嵒岵揭霞標  
於天表爾其左鄰恒岳右接天池五百餘里庠塾屢

巖其東則望海之峯華嚴之谷明月閑池虛涵淨綠  
那羅延洞哆乎其腹訪紫府之叢祠實列仙之遺蹟  
其西則崇巒挂月涵清引素八功德水潭漚衍注秘  
魔深厓紫翠回互渺三十有五里標孤圓於烟霧其  
南則疊嶂鬱律樹雜雲合佛鉢日菊金蓮狎獵紛殷  
紅而凝碧象錦繡之匱匝疑天女之所散侍珠衣而  
聽法其北則高巘凌兢是名叶斗泉脉隱注貫穿岡  
阜潛虬所媚杳焉深黝旁削立乎寶陀聳螺髻於佛

首若乃翠巖中峙紫霄上切梵仙嶢崿靈鶻截屏東  
麓夏寒萬年積雪靈迹勝景莫能殫述則有龍宮雁  
塔綦布星列雕甍逶迤以窈窕珠網瓏玲而轆轤鍾  
魚流響乎雲外鈴鐸揚音於木末金碧觚稜掩映出  
沒一轉瞬而境移每延賞而神悅信諸天之所都渺  
化城之超忽時乃句芒御節時和氣清柔荑茂密綿  
羽嚶鳴流雲高妙而漾白暖翠氤氲而浮青窈窕幽  
邃千狀億名天開地獻交迓

覽旌

皇帝乃洞洞屬屬穆穆肅肅賁蓮宇而齋心禮金容  
而申祝祈萬齡之寶命凝至精而斂福練太清以元  
感朗白毫之四燭天香瀾漫於陽厓靈風微動乎陰  
谷花雨霏霏松籟謾謾人天百萬淨然端矚惟聞崑  
呼萬歲之聲響深巖而相續此純心薦祚至孝通神  
所以朋三壽而總百祿也且夫

警蹕所臨

膏澤霽霈體

慈仁之煦育廣甄陶於品彙青陽發動根莖以遂歧  
行喙息罔不蒙利民氣和樂何殊乎甘露之沾漑痼  
癢一體何殊乎寶筏之引濟伊象教之慈祥已不謀  
而孚契彼淨域之化人固宜效靈而翼衛此又德以  
召福之本善以降祥之義無量之壽足以超乎元會  
者也斯時也萬靈愉悅四表光被冲融乎景風烟煴  
乎元氣天苞地符休徵備致巷舞衢歌達乎陬澨含



識之屬其孰不以手加額稽首至地曰於鑠

聖主光昭孝治於鑠

聖母壽萬萬歲乃作頌曰

貞元會兮際

昌時

皇帝大孝

聖母慈秩名山兮受其釐神之佑之

壽維祺福既歛兮

恩以推雨之施兮物以滋四極四和歌舞隨小臣竊  
北向日葵鞠脰作頌迎

龍旗祝

眉壽兮無窮期

秋郊大獵賦

謹序

謝敦源

皇帝御極之二十有六年歲在辛巳秋七月

駕幸木蘭行圍修舊典也是年恭逢

皇太后七旬萬壽蕃部君長鱗集仰流內面向化瞻

望

乘輿奔走恐後

皇帝躬奉

慈寧啟途出塞獻鱣上

壽成禮而還

聖孝光昭

神武敷布中外遐邇無不鼓舞懽忭頌揚

休烈

臣

沐浴

清化仰睹

鴻規名言莫罄謹拜手稽首撰賦以進其詞曰

惟

皇帝之乘乾統八荒而在宥撫邊圉以牧寧集寶琛

而輻輳南規溟渤以爲池北指天山而作圓耕屯相  
望繩行索度之區按堵無驚驚鷺畫狼煙之堠固已軒  
吳不足爲其馳驅伊臯不足爲其左右然且

### 文教宣

武功茂合車書一尉候謂戎備之必修率典章而由  
舊爰車攻兮馬同遂駕言兮行狩時也蓐收執鉅大  
丙陪車草枯鴈磧雨洗龍沙林霜纈雪原火燒霞波  
羅交流而瀾瀾穆納直走而衙衙獨石當關一帶峯

螺巖窠穹廬蓋野四圍天幕週遮

行宮啟兮曼且碩牙帳列兮靜無譁儲膺屹其高峙  
桂栢設而叉牙沐膏澤者復株纍負弓弩者呼韓那  
臨廣野而除道擁

御路而鳴笳喁喁焉遂遂焉延頸舉踵而望

幸者蓋四十有八家

皇帝乃備法駕奉

安輿乘騏驎駟駟駟擢倚天之長劍佩落月之瑀弧

遡卒三千環

金根而奕奕軌方十二翊

翠輦以徐徐叱飛廉以清道兮鞭列缺以先驅呼蒙  
公使參乘兮載秦仲於後車琱戈兮夾路大旆兮彌  
塗大綬兮小綬左孟兮右孟員爲蓋而方爲輿司南  
有鼓赤如日而白如月配地成圖時則未射獵於克  
勒巴林之俗而已震疊于烏闌白海之都爾其平掩  
七澤高埒三寔塲開逐獸館啟射熊圖文之駢斑題

之縱三蹶犀猛九尾狐雄都郭生生而嘯雨州靡費  
費而嚎風與夫史林尊耳區陽驚封隄冠禺禺獨鹿  
叩叩莫不牙張距舞怒目電睒他他藉藉充牣乎其  
中于是招虞人集羅者天網鋪雲罕下籠山絡澤掩  
月兔于九天蕩谷揜林殪星狼于四野仰

聖主之指麾咸厲兵而秣馬已而走欽岑穿林薄持  
之如搏收之如攫坐者擁鋒行者鳴鐃不啻六伐七  
伐之兔起而鶻落也衣短後纓曼胡走者于于趨者



躍躍三發其車三刺其徒不啻爲鶴爲鷺之箕張而  
翼舒也馬逸不能收鼓揭不能止繁弱之弓強黃間  
之箭駛韓盧笑怒以爭先蒼鷹攫擊而四起駭悛遽  
而駭瞿倏怔營而披靡鳥失矢而襍遶獸奔羣而駭  
駭或碎掌以摧斑或摩頂以拔齒或歎隨以濡輪或  
飛涎以觸軌雖蹂躪其十二三猶拘怒而未已

帝曰止之不可究武欲左左欲右右開一面以明

思爲乾豆爲賓客用三驅以法古反旆還轅卷旗息

鼓于焉計鮮于焉獻傷小如猿狖大則麕麇統牛露  
犬輝猋嗟羊章亥之所不能算伯益之所不能詳終  
軍未識之于爾雅子雲未賦之于長楊積若邱陵服  
猛堪資其牙爪量以山谷掌皮可飾其文章咸輦輸  
于

天府將校賞於

君王

皇帝出和門坐天闕顏穆穆德明明摘

膚藻勅賡颺呼鷹之臺大啟桐馬之宴高張露漙漙  
樽廣樂奏千人之帳珍調禹膳兕觥稱

萬壽之觴望

慈顏而有喜祝

景命以無疆則有東樓之裔西雝之賓木客星杠之  
衆羊腸鳥道之人秦漢之所未服唐宋之所未臣咸  
陸讐而水慄競奔走以來庭歌奏白狼向星廬而觀  
禮位充青馬入

幄殿而承

恩淵乎穆乎蓋醲粹之化浹而飲誦之音聞矣且我  
皇上之御宇也揚

駿烈定

神謨失前禽而不誠遇逆命則有誅一發而長鯨翦  
再射而封豕屠

德靡遠而不格

信何地而不孚蓋武事之是飭豈搏獸之爲娛方將

七政是齊四靈爲府從容于仁義之途休息于詩書  
之圃問

安視膳以天下之養養

親肝食宵衣以萬世之法法

祖豈與夫漢賦五柞周詩十鼓問答于東主西賓鋪  
陳於憑虛安處然後足以昭龐洪之

湛恩揚紛紜之

威武也哉乃作頌曰

聖皇凝籙治八埏東及若木西桃槐清秋講武駐龍  
堆

天衢迭蕩

帝車輦千乘萬騎羽林排吞吐日月驅風雷擊鼉鼓  
兮坐層臺如澠之酒夜光杯屬車豹尾集鄒枚

宸章雲漢爭昭回擊鮮獻

壽成禮迴占風候月紛然來

皇綱舉兮八紘恢東鵜西鰈光徘徊貞符上瑞占泰

階於萬斯年治象開

聖駕三巡浙江賦

齊召南

乾隆二十七年

景運壽昌民物豐泰西域蕩平化洽無外

皇帝憲

天經以省成

御六龍而裒對歲二月

南巡狩至於浙江紹禹跡煥堯章昭哉

祖武繼序其皇奉



慈輦之翼翼純嘏懋而弗祿康蓋自海澨黔黎山陬  
耆耆一豫一遊日望我

后謂盛事其有常溯辛未與丁丑曾兩覲夫

翠華沐

湛恩於高厚際此昌期符瑞畢輳地總八紘兵銷九  
有合萬國之歡心介

聖母之萬壽吾儕小人向

辰極而忭舞思雲日爲瞻就不又久乎大吏所以采

其悃誠入奏也

皇帝曰都於義其允迺考周書核虞典布度頒常官  
以物選然後降

明詔叶休徵歲朝元會所穀展誠青鳥司啟爰發  
帝京遂乘時令肅羽林前後左右星陳而天行翼  
大安之寶輅導

黃屋以鑾鈴從官隊序岳牧郊迎義和按轡蒼祇抗  
旌瑞景煦乎光道和風興於泰清

屬車九九吉行五十匪疾匪徐不警不蹕掌舍先期  
帷宮是秩禮取觀民儀皆尚質惟

聖人之順動實軫念乎蓬廬雖省衛而却獻屢申戒  
以莫踰嘉府修而事敘恒減賦而蠲租却供帳之彩  
飾屏營構之雕鏤蓋

大駕未出乎郊圻恩膏已沛於吳都也遂行畿輔布  
陽和經齊魯望堯峩抵徐宿由翁河乘藻舟過淮陂  
決口旣塞隄無驚波每授方畧俱慶作訛五老有圖

莫我能加美哉安瀾明德遠矣沿槽運之順流注岷  
江於揚子燦蜀阜之繁華偉金焦之崛巋鐵甕蟠蜿  
蘭陵邇迤笠澤混茫吳閭蔚起伊泰伯之始基亦礪  
山而帶水縹緲洞庭峯巒秀峙舳舻煙浮屋閭繡綺  
澤國通渠村居成市

乘輿於是弭節徘徊觀文察理樂品物之殷豐思  
功德之積累由平江而抵浙較秣陵其尤邇勤耕織  
於閭閻應女牛於星紀會吳越於武林傳名勝於趙

氏聿有捍禦怒潮之海塘關農田者千里城西湖水  
瀟灑澄泓龍飛鳳舞瑞應

聖清

皇祖五至

神御永寧我

皇則之松棟雲扃

鸞旂再降勿飾勿增仰法太紫

禁禦環縈衛以兩峯西竺拱以九曜南屏又有龍池

漱玉濺璣松篁冬蒨設舛春滋靈臺靈沼神工所爲  
如山之壽上祝

鴻慈於是自吳江浮鸞湖達錢塘履亨衢乘

步輦徹儲胥有巖

行殿煥若辰居問

安視膳容與怡愉迺省海甸言觀塘工防患於預旣  
固且崇積石嶄嶄游波迴東赭龕中疊雪浪排空

堯仁廣運觀此朝宗迺登大觀東望江許鎮日會稽

地惟天柱百神懷柔秩祀具舉巍巍平成嘉薦簋簠  
文命誕敷我

皇踵武迺輯羣瑞延職司咨百度揆萬幾懷保惠鮮  
而知其依然後曳雲旃移彩仗

鳳舸翱翔臨平湖上時則蘇堤春曉韶景呈祥雲色  
山色風香水香天桃繁杏芳草垂楊流鶯乳燕睂睵  
頡頏若蓬萊之瓊偉環溟渤之泱泱若瑤池之清麗  
羅崑嶠之將將我

皇上綜智仁以寫心參乾坤而作則念屢省而有成  
恒宵衣而旰食拜

聖祖之龍展紹庭愜乎燕翼承

慈幄以受釐子惠殷於䟽逃迺察官聯守土之吏曰  
予入疆考績明試車服煌煌慶賞有次庶事康哉  
帝光率被迺蒸髦秀星漢昭回給以筆札

親擢英才有翹鸛鷺漸於雲階允文

文謨壽考栽培於是乎權輕重較本末布政明堂四



聰畢達采風詩眡邦秩明孤惇惠耄耄錄故舊宥遺  
闕省囹圄休工役並生得所不遺一物禮教旣暢武  
藝聿修詎因偃革遂曠春蒐水肄舟師陸練騎士八  
陣六花衝衡表裏

聖作物觀

德威奮起已銷狼燧於一侯長靖鯨濤於千祀當斯  
時也民無旄倪居靡都郊隱軫雜沓樂只成謠接踵  
側肩扶杖垂髫莫不蟻附乎康衢星麗乎慶霄觀

天顏之有喜快

咫尺於匪遙惟不憚

三駕之勞而恒勤設教斯以勸九歌勿壞而共協簫韶於是風俗同

恩施浹

慈惠普

皇猷洽本至德與要道用崇效而卑法瞻向若之洋洋聽呼嵩之山業業樂山樂水煥乎有文多能天

縱惟我

聖君來游歌於卷阿嬋解阜於南薰前此

奎畫重題旣處處碑我岫嶠今茲榮光仰燭更輝輝  
彩蔚卿雲偉矣哉咸五登三頌聲溢路總集嘉祥宏  
恢福祚玉燭時調泰階軌度醺醺醴泉漑漑甘露豐  
朱草於中唐植華平於芳圃闢壽域於玳瑁春臺  
而和煦稽古盛時方冊所布能如我

聖朝之至孝尊

親施仁法

祖念歡樂之同民爲緝熙之垂裕蓋億載而一遇者也斯豈才若崔駰學若班固徒知東京儀式者之所

能賦乎哉

小臣

愚陋謹拜手稽首而獻頌曰

綏綏元淳熙春陽兮

聖主南巡承

慈祥兮以天下養福祿長兮臚歡林林獻

壽觴兮我仁沕濔侔海江兮浙水東西民悅無疆兮

彌億萬年永膺

天慶兮

聖主親閱海塘賦

李因培

赫矣我

皇之時邁也踰岱巖而觀乎泰河嘉河公之蹈仁兮  
燭榮光於靈波緬明德於神禹兮陋宣房之載歌

上迺穆然儲思俶然博眎循季春時雨之令繹先河  
後海之義逾吳抵澗將相度夫捍海之隄俾萬禩享  
其利焉懿夫澗之治武林也絡東溟以奠疆溯靈越  
而論都兮信旁魄而難詳偉射潮之霸畧兮呀龍淵

而屹金湯西則婺女所矚姑蔑所康膠葛結奏遠控  
乎白嶽之鄣千谿萬瀨礚石夷岡淋淋汨汨載富春  
之渚而注乎錢唐南則夏蓋之山鮎埼之亭金鰲之  
島木榴之城華離牢落布基羅星延屬二千餘里控  
制乎東鯤沓莫知其所經若夫柴辟以東由拳故墟  
稽吳越之分土覩瓜疇與芋區縣野瀾迤織路縈紆  
五湖之滙三江所瀦承下流而勢如覆盂惟大海之  
蕩蕩兮吞數州而不芥憊也何茲邦之保障兮時反

壤而變獨大也斯其爲險也其爲怪也鼓以驚濤之  
力扼以羣山之隘羌一怒而當之者輒壞繫海昌之  
彈丸兮面天池爲嶮介遠則秦駐譚僊對若而嶸嶮  
兮近則大尖小尖犄角而崿峴故夫潮之來也灝淼  
熾漫洶涌澎湃偪側盤盪呀呶砰礚騰裝霧散轉轂  
雷礚雲日蕩滴天水破碎震鳴夷之餘威兮迴大地  
於一噫其或凜秋迅商漸柏冬日陽景乍頽陰霞屢  
沒闌風浹旬伏雨淹節倏盤旋以衝颺或紛糅而飛



雪天吳偃蹇以弄波海童眇眇以吹颶觀其所濤捐  
者所陵軼者所揚簸者所滌汙者沈沙坐飛客土四  
溢衝曲岸之句廉剗蘭石之彪列黎陽無遮害之亭  
勾吳失塢流之術此議曹作隄之績所以稱遯乎漢  
帙而李唐初載猶歲修而罔敢失也夫事以踵而善  
物以積而玩貪天者不足語未雨之誠見小者難與  
圖非常之原彼宋元之中造亦綢繆之孔殷沈金符  
之秘篆聳宰堵之飛輪卽石園木櫃之坊禦世咸得

而云云然而息壤孰竊底柱難鑄舉長茭兮不屬湛  
美玉兮何年徐伯空留夫水表越人徒習於水田時  
復捭少把土足胝手胼而皇波離庠尚弛正道而乖  
舊川也

天佑下民乃大啟我

聖人荃宰萬有穆穆旼旼匪警予於巨唐切如傷於  
姬文振前代之情竄繼

列祖之共勤展采錯事而用集夫大勲

詔水衡以發粟兮使司空而考績  
髡薶山以取材兮運霧蹠而伐石  
舉雷雲興相杵震激隕竹校聯負薪  
絡繹滉柱列兮如藩金椎隱兮如織  
錯魚鱗而成文捫馬齒而無跡遠望之而輶輶延延兮密諝之而磴磴  
卽卽蓋自演成之年以上遡乎發策積

雨朝之宵旰而數百里之虹隄乃輦時於靡極爾迺  
旣宴旣清經畬列燧原隰鏤鱗郭郭排雉士女鮮扁  
商旅從萃聖湖流行武原虧蔽充華實之上腴擅魚

蛤之美利維綃燕支之涇捶馬袁花之市他若溢肆  
震耳之貨壓不空積占風測海之人來無虛歲朕朱  
垠而南澮晞幽墟而北暨經塗萬萬有餘駕山汎濤  
若堂戶之可一眴而至媿哉樂郊斯已極藏富之隱  
賑可紓

南顧之勤勩矣於是

上方垂舜裳握軒符奏下武之詩陳無逸之圖

念茲鹽官波臣與居爾邦伯庶士得毋登衽席而弛

戒於衣柳乎且龕楮並峙驚濤矗起白馬星馳一門  
萬軌此天下之至詭也文堂南瞰河莊北侈竹箭順  
流纖塵不飛此水道之至夷也高岸爲谷城於隍復  
綱今昔之異宜問借箸兮誰屬非聰明睿知之  
聖其能量海以籌秉月而燭懹如密如灑沈澹菑而  
來萬福乎遂撰靈辰備

法駕勾芒服衡招搖衛舍水若矍陽嶽祇呼閭紛總  
總而搏搏循曲江而東下旣至而陳

帝儀奏玉夏飛聲震靈直將芥視乎之罍之射也爰  
有奉誠之園幔城是圍禽翔鱗泳風恬日遲引藻舫  
以芳茵藉瑤席以柔荑鹿苹之惠旣洽魚藻之義在  
斯

大駕於以少憇焉而亟遵海之涯秩時周之祀修帝  
軒之齋祛燭龍以馳曜赭紫解以作疊游乎廣樂之  
野攬乎顥天之臺紆

天步啟

層懷目下九地掌羅八垓眺沉斥之夷衍嘉盤石之  
振崖指擣則海運山立擘畫則淵沉日開規漢柱而  
猶監嗤秦橋之空隕稽夏載而或未厯兮仰

天顏而頌聲若雷至如玉珧應月而散彩石蛙滋雨  
而揚葩紫莖依波而蕩漾翠綸扇風而鬢髻或耀翔  
陽或冠飛翬浮沉異色朱碧相華飛妍貢麗繡林鏡  
沙効媚茲於萬一不能盡名而殫誇於是靈鼉架梁  
黃龍夾輶淵客出珠昆吾獻鏐永夷起舞女媧發謳

招玉鳥於阜鄉授金丹於浮邱集青鸞翠鳳以按節  
羅紫樾碧柰以進羞指三山而非遠覲芙蓉之重樓  
然而

聖人弗俞於心曰茲非以爲游也方且抱和秉粹澹  
華黜浮納賈於肆劭農於疇優庶老以大帛登善俗  
於朱轡揜騶田之羣雅羅兔置之好仇會列辟而肆  
覲遍羣望而懷柔靡績弗凝何惠不周廣

孝禧於海濶祝



慈壽於天悠遂旋

蹕武林而布

皇猷焉若夫瀕海淳鹵萬竈雲布漉沙擷雪噓燠出  
素民共府海之利商忘算緡之苦被

帝澤之如春紛來迎兮士女又若沿隄列戍什什伍  
伍水無游氛林無伏莽傳候火而平安分月給而鼓  
舞承挾纊之

恩言震嵩呼兮秘路當斯時也雲紉縵兮雨霽霽清

寧莫兮車書會方獻與兮圖錫蓋揚

天聲兮薄海外蓋戴巍巍履栗栗者積三十七年之  
久而曾莫能名

聖德之大

臣

用殫精竭思撫陳邱之講德慕卷阿之

矢詞徒游原而泳沫莫贊農而頌義洵乎若大羸之  
不可測以一蠡也

駕幸龍井賦

李因培

上旣躬闕海塘返自鹽官駐

蹕武林普汜嘉澤式庶且繁乾珍坤釐燭湖曜山延  
跂之屬靡弗欽愉衍凱奠紆

玉鑾迺相與絜除龍井而洽

皇歡焉

帝有恩言誕申先甲省事歲修成軌是襲毋增爾華  
宮蒿厨蕙惟東南之民喁喁嗑嗑賈聯其楫昨秉其

畱走而請於岳牧之庭曰

帝之恩勤矣

帝之澤浹矣夫經始爛乎姬篇作遊肄乎堯牒不飭  
不美無以示成一游一豫所以垂法是皆先哲之格  
論懿辟之善經用以蘇世而舄奕乎來葉者也且聖  
湖之陽曲江之陰風雨所和會日月所燭臨厥有仄  
峯遼澗穹谷長林連拳偃蹇嵒釐楠樛山祇抱器潛  
靈畜琛帥然霽然且淒淒然振嵩高之靈音而邦伯

庶士乃不能割增城之尺土據宋疇之寸忱以備  
翠華之蒞紆

黃屋之心乎僉曰亮哉而龍井遂勿亟而考成於今  
嫩天井之著於圖經也宅婆留之故墟濯金沙之玢  
璣兮道風篁之盤紆左則三台五老或拱或揖兮何  
衣冠之偉如也右則雞籠棋盤惟妙惟肖兮洵耳目  
之至娛也遂辭金鐘之脩坂兮截玉鉤之飛梁睇四  
巒之互氣兮泝曾波之交光攀濯叢之菴藹兮羌二

駒而提夫雨暢愜幽尋於深阻兮暢冲襟於空明聆  
流泉之泠泠兮指白雲而載行斯時猶未底乎龍所  
藏也爾其流星散精鑒山挺骨小大礪礪高下砢砢  
或趺而居或峙而列秀者如髻秃者如髻遡風槎牙  
漬雨滑笏結空青而半浮捫活碧而乍脫駿古落之  
斑斑抽凍少之軋軋迷驚雷之訇礚蝕危溜之砢砢  
其他樵貌強名者臚一二而罔泐片雲翳然其欲歸  
兮蟠龍蜃若而上掣譯薩埵之何因兮駭神運之何

術豈初平之有遺牧兮散陂池而或飲或盃奇石之  
林水泉所儲側決正濫前消後沮懸則爲瀑厠則爲  
渠復則爲汜夾則爲瀕窺積翠於巖隙溯流紅於春  
餘卽而聽之聲希籟虛乍絲而肉似疾忽徐遠唾石  
鐘之闐鞞近和水樂之喁于若夫浣花詫文錦之被  
滌硯訝雲霞之舒插劍感延津之化龍洗心悟濠梁  
之非魚莫不澹灝浸玉漩環瀉珠屈注蕙畎曲縈松  
廬而茲井之淵注渟著厥庸眎衆水而獨殊蓋昭昭

者龍之爲靈也九旋之府重關是局地脈四演水華  
一泓蟠霧甲而春蟄抱淵珠而晝瞑嚇腮而暴乎玉  
檻垂喙而蛩乎銀瓶挾大瀛之溟漲闕陰厓之迅霆  
潛元雲而鼓虛浪嘯朱燼而冶陽冰雌蜺連蜷而不  
飲羶羊踣跼而失形游塵不動而微波呀呷喝日流  
照而薄霧窅冥蝓蝓蠅蠅或潛擾乎齋盃兮衙衙鬚  
鬚忽遙集乎山檻泊乎膚寸雲合崇朝雨興滲漉淳  
鹵嘯煦枯萌汨汨汗汗徧千百里而遠會不知卽浮



波之蠕蜒詭偉軼乎武庫闔澤博乎蘭陵固宜金符  
玉簡歲於此而薦馨粵有趙宋退院之僧典郡之客  
捨紫衣而結廬解玉帶而攜策橋錫歸隱之名亭表  
過谿之蹟抗飛閣而流照兮扃邃室而耽寂堂則鏡  
清月林各落而相承兮軒則聽泉風玉靖冥而弗飾  
壽聖之院禁樞斯勒淮海賁以英篇襄陽留其翠墨  
雖聲塵蔑如者殆六百年而葩流藻曜猶未泯乎泉  
石天咫無往而不復大美待時而後顯仰

帝車之

時巡効子來之惓欵用寸旬於農功之暇豫損銖黍  
於府海之衍羨爾乃因石於山因材於陂抗碧表宇  
梯青布基葩赫金鋪蝸蛸玉題翠藻繚繞而交影紅  
葩狎獵而倒垂惠風拂乎綺疏陰醴涌乎玫瑰暖清  
冬之煦景招盛夏之涼颼夕霞在天而緇阿升御秋  
霜委地而女夷弄姿撫自然之規制恍勢合而形離  
於井之眉敞以虛閣玉虎晨牽銀蟾夜濯雨澣水衣

風交林萼圓紋蕩乎銜紅素華流乎繡箔寫雲光之  
輪囷映星彩之的爍沈清音於嶺猿鑑素影於臯鶴  
嘉鱗長之能馴兮穴重淵如尺蠖乘上善而不居兮  
占厥收之勿幕洵列仙之清都兮備

帷宮之式廓時則永晷舒和芳郊吐柔播協風若傳  
遽遞淑氣同置郵華桐蔭於丹岫兮新萍冒乎碧流  
鶯羽擲圓吭於密樹兮蕙心展逸葉於平疇循大絜  
之昭節矢雅音於

來游於是伐靄鼉鏗華鯨輦興填郭流吹溢城遵湖  
之渚藉萋布蒨藻舟翼展軒幌鑑澄遂乃却魚藻之  
康娛導解鸞之天行嶺日承蓋溪雲翳旌蒼螭標狻  
而列轡素蚪躡畧而服衡般般焉總總焉海運嶽立  
漸

莅乎龍泓之亭

皇心穆然暢乎遐覽爰祇導

聖母之

金輿而式燕焉川無伏鱗林不停囀寒鮮葩而泛舟  
承嘉蔭而列幔別有陽坡實生佳薜發朶雲根敷藁  
芳援含甘孕和露浮雪泣及穀雨之未零採朝陽而  
最善軟龍鳳之頭綱兮矧蒙山與陽羨乃更轉銀床  
擢素綆扇薰風之被麗吹文火之熺炯踰踰驗魚目  
之痕纖纖訝雀舌之挺婉勝事於竹爐賁  
天章於石鼎值蘭膳之春調娛

瑩宮之晝永彼浪井不鑿而成湯井不熾而溫五色

煙浮於漢水三危露浥於崑崙亦復表德侈瑞蠲疴  
頌神豈如此井潛演洄淪其所憑依蜿蜿蜃蜃用沛  
美貺於下土而長被嘉賞於

大君也哉敬作頌曰

鬱鬱南山風迴氣盤紛繚延兮龍井斯在通江穴海  
甘霖沛兮

屬車逶陀炎威燄訛舟息波兮浙之士女式歌且舞  
頌游豫兮如彼井水軒漿堯醴壽斯世兮

乘六御天班嶽秩川於萬年兮

聖駕三巡江浙賦

劉星煒

粵若元默敦牂之歲月紀孟陬

天子於是薦普淖颺麟煙質威穆清新福於

上元旣乃獬

蘭宮蟻

金根輦六提圉四閑麾洪頤樹修旃馳鑣於海浦揚  
舳于江塹翕翕習習震震溟溟蓋將觀於浙江之潮  
禮乎稽山之鎮而迴旋是禮也所以憲太乙之圓輿



繩

皇祖之景員徇黎庶之喁慕羣

慈錄於萬年惟

清緝熙受

天單厚降命我

皇禋福彌赫介邱詎勒其崇鴻員靈猶跼於幬覆顧  
迺狹三王之趨軼五帝之馳驟東龍西虎夾轂並  
驚四極四和惟

駕所赴夫其靡麗幕秣龍堆關疏勒徼龜茲聯勃律  
犁焉耆宛馬服阜於承華闐壁抵鵠於鴻廼儋耳貫  
胷尺組以縻來獻其琛實繁且紘隸於職方二萬有  
奇包天維衍地絡大章步而徼徼十未厯其七八坤

輿式廓

鼎籙斯富

叶

虹流電繞自辰途已觀壽星於大角瑞

南極之晷晷西江鐃鐘湧而出攷

九招之尺度詔泗濱而伐石

叶

大響爰發百禮咸秩

叶  
狼臙烏許魚頡烏視視多壽呼

萬歲者重九舌而面內爾乃春王三朝恒文禕而鼉

采煥璧珂琰流離鬱儀結璘貫以五緯

叶

儷黑帝良

維之紀乃大過之漢載瑣瑣祇益詆謏斯則纓九瀛

而光宅府萬物而含滋顧乃憲法紫宮黼帳不移舉

烝黎之請籲若弗聞而然疑則古所云五載一巡狩

豈帝王之彌文而壇場之上又烏覩旭日之景垂天

之儀乃始隄河汾凌巖嶭恒代邁臺懷蒞熙嘉壇飯

慈室燭神燈霏紺雪

乾情盼蛩而請祈

慈駕徬徊而乃發開未央而受賀

恩言渙於象闕申巽命練剛日省方錫類屆吳與越  
爾其星紀次躔端委開疆跨躡閩禺包括荆揚陸海  
殷賑天府阜昌其通瀆則長淮決滂洪湖甸甸黃蔬  
九曲屈注天潢江湖滂汗天塹南北方舟澹淡直抵  
西浙尚父先秋而穀弩靈胥乘濤而衛

蹕別有赤鯉駱馬射陽汎光珥瀆練湖浩淼汪洋具  
區吐納於松婁聖湖舊蔚於錢塘其蹲嶽則石頭鍾  
阜卧虎跳龍清涼寶華紫閣玲峯京峴三山峙玉浮  
空非鼇鼉之能駕羌嶮絕而不可通若乃洞庭瞰湖  
虎山涌海天平萬笏瑰異斯在天目兩乳吳山雙帶  
靈竺風翺赤城霞蔚幹維地軸幹龍所會其中迺有  
蜀岡緜藐綺疏迤屬松寥古鼎浣沼寒玉茂苑長洲  
行窩風谷疊滄浪之翠巘架烟雨之飛閣裏湖外湖

斷竹續竹招提蘭若四百八十珍臺行館殫不能述  
乾文寶書磨崖鏤壁熊熊旦旦藻天儀日木則鱗甲  
枝格花蕊蔭藟豫章楨幹於何不育草則葭茨苹蓴  
萑蘭菰茂華平翠蕙往往而有獸則剛重鬣鬐馴禽  
俛俛般般從從

天子之所鳥則關關喈喈睨睨好音唧蘆絳羽擇木  
息陰其水族則長鯨元蚪下逮龜螭石華海月潛淵  
躍池其琛賂則紫貝明璣桐材磬石三品作貢九江

卷之二十一  
四二  
納錫其穀帛則香稻紅蓮玉饌所供錦有明光布有  
比筒至於塋土騎竹之侶褒衣大袂之儒突髻植髮  
之士賈賓帶鬻之夫被阿紈曳華裾陳魚龍戲鯢鰲  
校鳴葭狎飛鳧飲謠互答翕霍走趨僣我  
后來其樂只且於是

皇帝乃倚翠媚建瑤軫麟班班蚪宛宛青祇效御大  
丙陪輦鵷鳳蓋於金臺軼蒲輪於姑衍爾乃踰清淮  
汎長江釋軫軒登蓬窗探宛委職奔瀧榜人嬉海若

降迴車金陵覽物華覲羣牧陳軍容奏雅樂星陳天  
行俛仰極樂然後乃渡洪河登黃樓導濁波鏡清流  
禮河龍之堂而周遊焉時則師尹述職郡國奏計健  
不毛鷺循不蓬脆雍容揄揚期會而理則弊吏之上  
儀

叶

也野有桑牙塋有菜甲栖畝有禾紐牙有麥

竄不生邪羸不作則本富之善畧也鷺鵲行列鵲首

便利或以爲蛟鱷或以爲犀兕三楚票銳曠乃不啻

則講武之明威

叶

也若夫崇祈庶懸簫勺申禋焱焱



炎炎已事而竣則軒黃之奔奏乎百神命史陳詩以  
雅以南叶授簡蘭臺孝秀莘莘則虞姚之誅蕩乎四  
門大河之堤旣剔旣曩淳海之塘孔阜孔磐則文命  
之刊滌乎九淵而我

皇之覃思凝神所以爲至德要道者則惟奉

大安承色笑調蘭芳獻羽膏課織絰嬰耕鑿溥德施  
神所勞德音孔昭渙其大號信乎合萬國之驩心而  
聖人之德無以加於孝也方將樹緹盎於滄溟假豆

登於泰嶽大澤以爲行庖若華以爲椽燭延東王西  
母爲賓朋馭冰夷天吳爲臣僕茲事體大其烏可以  
已哉且夫大江以南四達之輿昔我

皇祖奉天休若蓋嘗再至三至數計以六然後王人  
壽穀而神降之福

皇帝重光奠麗勤恁旅力以勞之再駐

輦焉民其衍而闢巡方之舊館

詔三駕而蒞斯俄偏隅之小祿重勦吾民而改爲

元穹普賚跂喙畢建鐘鼓街巷綺組闐闐民言用酌  
俞騎乃至而猶諄復於木事之不雕土事之不袤捐  
爵馬之娛翫斥曼衍之善戲帷帳栳門千戶萬則  
水衡之刀貝供張頓焉裳華魚藻錫燕賜餉則白藏  
之瓠規儲賚與焉散京倉於汝穎貸種食於淮濱犧  
脰鯉於海浦散萬億之陳因何仁不譖何義不轅夫  
是以

大駕未出於修門而萬靈仰鏡已跂踵於燕山之景

旭岱映之祥熏也

小臣

禱昧沐浴德馨職

帝車之南指先蟲鳥而頻聽謹鞠脛首路獻迎

鑾之詩辭曰

泰媼介祉垓埏組豫紛龐鴻兮曼壽錫類昭晡亭育  
駢穹崇兮江介廣舄驗喁盼訪羣望幸兮

鳳蓋南行郅偈琴麗勤屢省兮考時度方比景以南  
咸滋液兮於萬斯年披圖正端揚景鑠兮